



Broj predmeta: 13-001190/23
Broj akta: 01.1-1528ZN-0016/23
Datum, 8. 8. 2023.. godine
Mjesto, Brčko

Na osnovu člana 17 stav (2) Zakona o Vladi Brčko distrikta BiH («Službeni glasnik Brčko distrikta BiH»), brojevi: 22/18 - prečišćeni tekst, 49/18, 08/19, 10/19 i 32/19), u skladu s članom 25. Zakona o javnim nabavkama («Službeni glasnik BiH», broj 39/14 i 59/22), člana 24. stav (3) Instrukcije o organizaciji i internom postupanju u postupcima javnih nabavki u Brčko distriktu BiH broj:02-000209/22 od 18.1.2023. godine („Službeni glasnik Brčko distrikta BiH broj: 3/2023), Zapisnika o pregledu i ocjeni ponuda sa preporukom Komisije za javne nabavke broj: 13-001190/23 od 27.7.2023. godine i Mišljenja Pravobranilaštva Brčko distrikta BiH broj:M-810/23 od 7.8.2023. godine, gradonačelnik Brčko distrikta BiH d o n o s i,

ODLUKU O IZBORU NAJPOVOLJNIJEG PONUĐAČA

Član 1.

(1) U provedenom otvorenom postupku za nabavku usluga izrade glavnog projekta informacionog sistema Direkcije za finansije Brčko distrikta BiH, izabran je najpovoljniji ponuđač kojem se dodjeljuje ugovor.

Naziv najpovoljnijeg ponuđača je „**KI SISTEMI**“ d.o.o. Prijedor.
Vrijednost ugovora sa uračunatim PDV-om iznosi

86.076,90 KM.

Član 2.

Postupak je proveden na osnovu Odluke o pokretanju postupka javne nabavke broj: 13.9-04.1-344/23 od 5.4.2023. godine, Obavještenja o nabavci na portalu javnih nabavki broj: 1157-1-2-132-3-280/23 od 27.4.2023. godine, specifikacije usluga u vezi sa Tenderskom dokumentacijom broj: 13-001190/23 i ponuda ponuđača.

Član 3.

Finansiranje navedene nabavke će se izvršiti iz kapitalnog budžeta za 2022. godinu, organizacioni kod 16010001, ekonomski kod 821500, pozicija: „Izrada projektnog zadatka IS (glavni projekat) Direkcije za finansije Brčko distrikta BiH“, šifra projekta:13899.

Obrazloženje

Komisija za nabavke je nakon izvršenog otvaranja ponuda konstatovala da su dostavljene četiri ponude, sljedećih ponuđača: „KI Sistemi“ d.o.o. Prijedor, Grupa ponuđača „Printer IT rješenja i servisi-Printer IT Solutions and services“ d.o.o. Sarajevo i „Printer ITSS d.o.o. Banja Luka, „Imel“

d.o.o. Lukavac i „Teneo“ d.o.o. Sarajevo. Sastavni dio odluke čini zapisnik sa otvaranja ponuda i zapisnik o pregledu i ocjeni ponuda. Komisija je ustanovila da su ponude Grupe ponuđača i ponuđača „Teneo“ d.o.o. Sarajevo nepravilne jer nisu sadržavale izmijenjeni nacrt ugovora a o toj obavezi su bili obaviješteni dopisom o izmjeni tenderske dokumentacije te novom roku za otvaranje ponuda i na tom dopisu je navedeno da su ponuđači dužni dostaviti izmijenjeni nacrt ugovora. Osim toga ponuđač „Teneo“ d.o.o. Sarajevo je dostavio ponudu potvrdu od strane ASA banke u kojoj je navedeno da je račun aktivan i nije bio blokiran u periodu od 27.11.2022. godine do 27.4.2023. godine. U tenderskoj dokumentaciji je navedeno da je ponuđač bio dužan dokazati da je solventan u posljednjih šest mjeseci, računajući od dana objave obavještenja o nabavci za ovu nabavku, odnosno da nema blokadu računa u posljednjih šest mjeseci. Osim toga ponuđač je dostavio izjavu o ukupnom prometu u iznosu od 99.950,00 KM bez uračunatog PDV-a, a tenderskom dokumentacijom je zahtijevano da ukupan promet u prethodne 3 godine ne smije biti manji od 150.000,00 KM. Grupa ponuđača nije dostavila sve tražene podatke iz tenderske dokumentacije u vezi tehničke i profesionalne sposobnosti. Utvrđeno je da nije dostavljen dokaz za vođu tima za koordinaciju projekta i to ovjerena kopija potvrde ili pismo preporuke izdate od strane ugovornog organa kojim se dokazuje iskustvo u upravljanju najmanje jednim projektom iz oblasti implementacije poslovno informacionih sistema. Takođe nije dostavljen dokaz za jednog od stručnjaka iz oblasti javnih finansija – ovjerena kopija potvrde ili pismo preporuke izdate od strane ugovornog organa kojim se dokazuje učešće u najmanje jednom projektu iz oblasti upravljanje javnih finansija, tako da je grupa ocijenjena kao nekvalifikovana. Ponuđač „Imel“ d.o.o. Lukavac nije dokazao da nema blokiran račun u posljednjih šest mjeseci jer je komisija ustanovila da datumi navedeni u izvještajima predstavljaju datume posljednjih izmjena na računima, te da na osnovu istih nije moguće za pojedine račune utvrditi koji je status istih bio u posljednjih 6 mjeseci. S obzirom da se na osnovu navedenog nije moglo utvrditi istorijski podatak o stanju ovog računa u posljednjih 6 mjeseci te da ponuđač nije dostavio dodatnu potvrdu banke o solventnosti ovog računa, komisija je smatrala da ponuđač nije ispunio traženi zahtjev iz tenderske dokumentacije. Takođe nisu dostavljeni traženi podaci iz tenderske dokumentacije u vezi tehničke i profesionalne sposobnosti ponuđača ponuđača. Utvrđeno je da nije dostavljen dokaz za vođu tima za koordinaciju projekta i to „ovjerena kopija potvrde ili pismo preporuke izdate od strane ugovornog organa kojim se dokazuje iskustvo u upravljanju najmanje jednim projektom iz oblasti implementacije poslovno informacionih sistema. Takođe nije dostavljen dokaz za jednog od stručnjaka iz oblasti javnih finansija – ovjerena kopija potvrde ili pismo preporuke izdate od strane ugovornog organa kojim se dokazuje učešće u najmanje jednom projektu iz oblasti upravljanje javnim finansijama. Kako je bila samo jedna prihvatljiva ponuda. Komisija je u skladu sa kriterijem najniže cijene dostavila preporuku o dodjeli ugovora najpovoljnijem ponuđaču u postupku nabavke.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđačima,
3. Gradonačelniku,
4. Direkciji za finansije,
5. Arhivi.

